

Klub SDP BIH
Zasupnica Belma Kapo
Sarajevo, 05.08.20225

ZA:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Predsjedavajućeg Skupštine Kantona Sarajevo

Zastupnička inicijativa

Molim Vladu Kantona Sarajevo da na prvoj narednoj sjednici Vlade Kantona Sarajevo u saradnji sa Zavodom za bolesti ovisnosti Kantona Sarajevo razmotri dopise građana MZ Park Višnjik iz Općine Centar i preduzme sve mjere sigurnosti po navedenom pitanju.

U prilogu tekst jedanog od mailova koji smo dobili od građana

S poštovanjem,
Belma Kapo

Poštovani,

Obraćamo vam se kao **stanovnici naselja Breka, Višnjik, Park i Bardakčije**, kao roditelji djece koja pohađaju Osnovnu školu „Musa Ćazim Ćatić“ i druge odgojno-obrazovne ustanove u blizini, te kao građani koji su ozbiljno zabrinuti zbog otvaranja Kantonalnog Metadonskog centra u ulici Bolnička, iznad Medicinskog fakulteta i Ambulante Višnjik – u neposrednoj blizini škola, vrtića, fakulteta i brojnih stambenih zgrada.

Od samog početka rada ovog centra, primjetno je prisustvo osoba koje očigledno pripadaju rizičnoj populaciji. Oni se zadržavaju u haustorima, oko škola, zgrada, prozora, pa čak ispituju ko živi u stanovima, da li ima praznih stanova, virenjem kroz prozore pokušavajući doći do informacija. Posebno zabrinjava što se radi o osobama među kojima ima beskućnika koji su ranije boravili u porušenim objektima na Gorici, a sada traže sklonište po stanovima.

Zabrinutost raste iz dana u dan, a roditelji su sve više u strahu zbog djece koja će uskoro krenuti u školu. Pojavile su se bojazni od krađa, pokušaja kontakta s djecom, ali i od potencijalne prodaje narkotika.

Ne govorimo o predrasudama, već o **stvarnoj i svakodnevno prisutnoj zabrinutosti građana** koji su već svjedočili sličnim iskustvima na naselju Crni Vrh, dok se Metadonski centar nalazio u neposrednoj blizini Osnovne škole Hasan Kikić.

Stanovnici Breke, Parka, Višnjika i Bardakčija su jedinstveni u stavu da ovakva lokacija Metadonskog centra nije prihvatljiva. Dok apsolutno razumijemo i podržavamo potrebu za liječenjem ovisnosti, insistiramo da centar bude izmješten na lokaciju koja nije u blizini škola, vrtića, fakulteta i gusto naseljenih stambenih zona.

Zbog navedenog, zahtijevamo:

1. **Hitno zakazivanje sastanka sa predstavnicima lokalne zajednice i nadležnim institucijama** radi direktnog razgovora o hitnim mjerama koje je moguće odmah poduzeti.
2. **Hitno pronalaženje privremenog rješenja i izmještanje Metadonskog centra na drugu, sigurniju lokaciju** – udaljenu od obrazovnih i odgojnih ustanova.
3. **Preispitivanje odluke o trajnoj lokaciji Centra** uz obavezno uključivanje lokalne zajednice u proces donošenja odluka.
4. **Povećanje sigurnosnih mjera** u okolini škole i naselja – kroz pojačano prisustvo policije, postavljanje video nadzora i eventualno angažovanje fizičkog obezbjeđenja.
5. **Potpunu transparentnost u radu Centra** – uključujući redovno informisanje lokalne zajednice o načinu rada, vrstama nadzora i mjerama koje se poduzimaju kako bi se spriječile neželjene situacije.

Ove mjere nisu usmjerene protiv procesa rehabilitacije, već upravo suprotno – usmjerene su ka stvaranju sigurnih uslova za sve, i za stanovnike naselja, i za korisnike Centra.

Ukoliko ne dođe do hitnog i ozbiljnog odgovora nadležnih, bit ćemo primorani da se dodatno organizujemo – kao zajednica koja želi da zaštiti svoje osnovno pravo na sigurnost.

S

poštovanjem,

Stanovnici naselja Breka, Park, Višnjik, Bardakčije